

四庫全書

集部

欽定四庫全書

御定全唐詩卷三百八十一

孟郊

弔國殤

徒言人最靈白骨亂縱橫如何當春死不及羣草生堯
舜宰乾坤器農不器兵秦漢盜山岳鑄殺不鑄畊天地
莫生金生金人競爭

弔比干墓

殷辛帝天下厭為天下尊乾剛既一斷賢愚無二門佞
是福身本忠是喪已源餓虎不食子人無骨肉思日影
不入地下埋冤死魂有骨不為土應作直木根今來過
此鄉下馬弔此墳靜念君臣間有道誰敢論

弔元魯山

搏鷲有餘飽魯山長饑空豪人飲鮮肥魯山飯蒿蓬食
名皆霸官食力乃堯農君子恥新態魯山與古終天璞
本平一人巧生異同魯山不自剖全璞竟沒躬

一作窮

自剖多是非流濫將何歸奔競

一作捐軀

立詭節凌侮爭怪

輝五常坐銷鑠萬類隨衰微以茲見魯山道蹇無所依
君子不自蹇魯山蹇有因苟含天地秀皆是天地身天
地蹇既甚魯山道莫伸天地氣不足魯山食更貧始知
補元化竟須得賢人

賢人多自竊道理與俗乖細功不敢言遠韻方始諧萬
物飽為飽萬人懷為懷一聲苟失所衆憾來相排所以
元魯山飢衰難與偕

遠階無近級造次不可升賢人潔腸胃寒日空澄凝血
誓竟訛謬膏明易煎蒸以之驅魯山疎迹去莫乘

言從魯山宦盡化堯時心豺狼恥狂噬齒牙閉霜金

一作

針競來闢田土相與畊欽岑當

一作常

宵無關鎖竟歲饒

歌吟善教復

一作履

天術美詞非俗歲精微自然事視聽

不可尋因書魯山績庶合蕭韶音

蕭韶太平樂魯山不虛作千古若有知百年幸如昨誰
能嗣教化以此洗浮薄君臣貴深遇天地有靈橐力運

既難德符方合漢名位苟虛曠聲明自銷鑠禮法雖
相救貞濃易糟粕哀哀元魯山畢竟誰能度

當今富教化

一作聖主
禮嘉士

元后得賢相冰心鏡衰古霜議

清遐障幽埋盡洗

一作光

洗滯旅免流浪唯餘魯山名未

獲旌廉讓二三貞苦士刷視聳危望髮秋青山夜目斷
丹闕亮誘類幸從茲嘉招固非妄小生奏狂狷感惕增
萬狀

黃犢不知孝魯山自駕車非賢不可妻魯山竟無家供

養恥佗力言詞豈纖瑕將謬魯山德蹟海

一作海蹟

誰能涯

遺嬰盡雛乳何況骨肉枝心腸結苦誠胸臆垂甘滋事
已出古表誰言獨今竒賢人母萬物豈弟流前詩

哭李觀

志士不得老多為直氣傷阮公終日哭壽命固難長顏

子既殂謝孔門無輝光文星落竒曜寶劍摧脩鉉常作

金應石忽為宮

一作參

別商為爾弔琴瑟斷弦難再張偏

轂不可轉隻翼不可翔清塵無吹噓委地難飛揚此義

古所重此風今則亡自聞喪元賓一日八九狂沈痛此
丈夫驚呼彼穹蒼我有出俗韻勞君疾惡腸知音既已
矣微言一作善誰能彰旅葬無高墳栽松不成行哀歌動
寒日贈淚沾晨霜神理本窅窅一作冥冥今來更茫茫何以
蕩悲懷萬事付一觴

李少府廳弔李元賓遺字

自註元賓題少府廳
云宿從叔宅有感有

其義而
無其辭

零落三四字忽成

一作然

千萬年那知冥冥

一作寂

客不有

補亡篇斜月弔

一作吐

空壁旅人難獨眠一生能幾時百

慮來相煎戚戚故交淚幽幽長夜泉已矣難重言一言

一潸然

悼吳興湯

一作楊一作張

衡評事

君生

一作在

雲水清君歿雲水渾空令

一作有

骨肉情

一作親

哭得白日昏大夜不復曉古松長閉門琴弦綠水絕詩

句青山存昔為芳春顏今為荒草根獨問冥冥理先儒

未曾言

哀孟雲卿嵩陽荒居

戚戚抱幽獨，宴宴沈荒居。
不聞新歡笑，但覩舊詩書。
藝藥意彌苦，耕山食無餘。
定交昔何在，至戚今或疎。
薄俗易銷歇，淳風難久舒。
秋蕪上空堂，寒槿落枯渠。
雜草恐傷蕙，攝衣自理鋤。
殘芳亦可餌，遺秀誰忍除。
徘徊未能去，為爾涕漣如。

哭盧貞國

一別難與期，存亡易寒燠。
下馬入君門，聲悲不成哭。
自

能富才藝當冀深榮祿皇天負我賢遺恨至兩目平生

嘆無子家家

一作事

親相囑

傷舊遊

去春會處今春歸花數不減人數稀朝笑片時暮成泣

東風一向

一作見

還西輝

弔房十五次卿少府

日高方得起獨賞些些春可惜宛轉鶯好音與佗人昔
年此氣味還走曲江濱逢著韓退之結交方殷勤蜀客

骨自高聰辨劍戟新如何昨日歡今日見無因英奇一

謝世視聽一為塵誰言老淚短淚短沾衣

一作足沾

巾

逢江南故畫上人會中鄭方回

自註上人往年手札五十篇相

贈云以為
佗日之念

相逢失意中萬感因語至追思東林日掩抑北邙淚筐

篋有遺文江山舊清氣塵生逍遙注

一作篇

墨故飛動字

荒毀碧澗居虛無青松位珠沈百泉暗月死羣象閉永

謝平生言知音豈容易

哭秘書包大監

哲人卧病日賤子泣玉年常恐寶鏡破明月難再圓
文字未改素聲容忽歸玄始知知音稀千載一絕弦
舊館有遺琴清風那復傳

悼幼子

一閉黃蒿門不聞白日事生氣散成風枯骸化為地
負我十年恩欠爾千行淚灑之北原上不待秋風至

悼亡

山頭明月夜增輝
增輝不照重泉下
泉下雙龍無再期
金蠶玉燕空銷化
朝雲暮雨成古墟
蕭蕭野竹風吹亞

弔李元賓墳

曉上荒涼原弔彼寂寥

一作冥冥

魂眼咽此時淚耳悽在日

言冥冥

一作寂寂

千萬年墳鎖孤松根

覽崔爽遺文因紓幽懷

自註崔君沒于南方

墮淚數首文悲結千里墳
蒼旻且留我白日空遺君
仙鶴未巢月衰鳳先墜
雲清風獨起時舊語如再聞
瑤草

罷歲蕤桂花休氛氲萬物與我心相感吳一作哭江濱

峽哀

昔多相與笑今誰相與哀峽哀哭幽魂一作夢噉噉風吹

來墮魄抱空月出沒難自裁璫粉一閃間春濤百丈一作

尺雷峽水聲不平碧沲牽清洄沙稜箭箭一作湍湍急波齒

斷斷開呀彼無底吮待此不測災谷號相噴激石怒爭

旋迴古醉一作罪有一一作少復鄉今縲多為能字孤徒髣髴

銜雪猶驚猜薄俗少直腸交結須橫財黃金買相弔幽

泣無餘漑我有古心意為君空摧頽

上天下天水出地入地舟石劒相劈斫石波怒蛟虬花
木疊宿春風颼凝古秋幽怪窟穴語飛聞盼蠻流沈哀
日已深銜訴將何求

三峽一線天三峽萬繩泉上仄碎日月下掣狂漪漣破
魂一兩點凝幽數百年峽暉不停午峽險多饑涎樹根
鎖枯棺孤骨裹裹懸樹枝哭霜棲哀韻杳杳鮮逐客零
落腸到此湯火煎性命如紡績道路隨索緣莫淚

一作
酹

弔波靈波靈將閃然

峽亂鳴清磬

一作峽虬鳴清聲

產石為鮮鱗噴為腥雨涎吹作

黑井身怪光閃衆異餓劍唯待人老腸未曾飽古齒齧

崑噉嚼齒三峽泉三峽聲斷斷

峽螭

一作蛟

老解語百丈潭底聞毒波為計校飲血養子

孫既非臯陶吏空食沉獄

一作玉

魂潛怪何幽幽魄說徒

云云峽聽哀哭泉峽弔鰥寡猿峽聲非人聲劍水相劈

翻斯誰士諸謝奏此沉苦言

讒人峽虬心渴罪呀然潯所食無直腸所語饒臬音石
齒嚼百泉石風號千琴幽哀莫能遠分雪何由尋月魄
高卓卓峽窟一作窟清沉沉銜訴何時明抱痛已不禁犀
飛空波濤裂石千嶽岑

峽稜剗日月日月多摧輝物皆斜仄生鳥亦一作翼斜仄

飛潛石齒相鎖沉魂招莫歸恍惚清泉甲斑瀾碧石衣
餓嚙潺湲號涎似泓浚肥峽青一作春不可遊腥草生微

微

峽景滑易墮峽花怪非春紅光根潛涎碧雨飛沃津巴
谷蛟螭心巴鄉魍魎親噉生不問賢至死獨養身腥語
信者誰拗歌歡非真仄田無異稼毒水多獐鱗異類不
可友峽哀哀難伸

峽水劒戟獐峽舟霹靂翔因依虺蜴手起坐風雨忙峽
旅多竄官峽氓多非良滑心不可求滑習積已長漠漠

涎霧起斷斷涎水光渴賢如之何忽在水

一作此

中央

梟鵂作人語蛟虬吸水波能于白日間諂欲晴風和駭

智蹶衆命蘊腥布深蘿齒泉無底貧鋸涎在處多仄樹
鳥不巢蹕路猿相過峽哀不可聽峽怨其奈何

杏殤

并序

杏殤花乳也霜翦而落因悲昔嬰故作是詩

凍手莫弄珠弄珠珠易飛驚霜莫翦春翦春無光輝零
落小花乳爛斑昔嬰衣拾之不盈把日暮空悲歸

地上空拾星枝上不見花哀哀孤老人戚戚無子家豈
若沒水鳧不如拾巢鴉浪殼破便飛風雛裊相誇芳嬰

不復生向物空悲嗟

應是一線淚入此春木心枝枝不成花片片落翦金春
壽何可長霜哀亦已深常時洗芳泉此日洗淚襟

兒生月不明兒死月始光兒月兩相奪兒命果不長如
何此英英亦為弔蒼蒼甘為墮地塵不為末世

一作木世

芳

踏地恐土痛損彼芳樹根此誠天不知翦棄我子孫
垂枝有千落芳命無一存誰謂生人家春色不入門

冽冽霜殺春枝枝疑纖刀木心既零落山竅空呼號班

班落地英點點如明膏始知天地間萬物皆不牢

哭此不成春淚痕三四斑失芳蝶既狂失子老亦孱且

豈一作

無生生力自

一作甘

有死死顏靈鳳不銜訴誰為扣

天關

此兒自見災花發多不諧窮老收碎心永夜抱破懷聲
死更何言意死不必啗病叟無子孫獨立猶束柴

霜似敗紅芳剪啄十數雙參差呻細風噉喁涕

一作戲

淺

江泣凝

一作疑

不可消

一作銷

恨壯難自降空遺舊日影怨

彼

一作此

小書窗

弔江南老家人春梅

念爾筋力盡違我衣食恩奈何粗獷兒生鞭見死痕舊

使常以禮新怨

一作冤

將誰吞胡為乎泥中

一作上天

消歇教

義源

哭李丹員外并寄杜中丞

生死方知交態存忍將齟齬報幽魂十年同在平原客

更遣何人哭寢門

哭劉言史

詩人業孤峭餓死良已多相悲與相笑累累其奈何精

異劉言史詩腸傾珠河取次抱置之

一作為拋擲

飛過東溟

波可惜大國謠飄為四夷歌常于衆中會顏色兩切磋

今日果成死葬襄

一作喪

之洛河洛岸遠相弔灑淚雙滂

沱

弔盧殷

詩人多清峭餓死抱空山白雲既無主飛出意等閒久

病牀席尸護喪童僕孱故書窮鼠噬狼籍一室間君歸

新鬼鄉我面古玉一作土顏羞見入地時無人叫追攀百

泉空相吊日久一作夕哀潺湲

唧唧復唧唧千古一月色新新復新新千古一花春
唧風噫孟郊蒿秋葬盧殷北邙前後客相弔為埃塵北邙
棘針草淚根生苦辛煙火不自煖筋力早已貧幽薦一
孟泣瀉之清洛濱添為斷腸聲愁殺長別人

棘針風相號破碎諸苦哀苦哀不可聞掩耳亦入來哭

弦多煎聲恨涕有餘摧噫貧氣已焚憶死心更灰夢世
浮閃閃淚波深洄洄薤歌一以去蒿閉不復開

登封草木深登封道路微日月不與光莓苔空生衣可
憐無子翁虬蟬緣病肌攣卧歲時長漣漣但幽噫幽噫
虎豹聞此外相訪稀至親唯有詩抱心死有歸河南韓
先生後君作因依磨一片嵌巖書千古光輝

賢人無計校生苦死徒誇佗名潤子孫君名潤泥沙可
惜千首文閃如一朝花零落難苦言

一作久留

起坐空驚嗟

耳聞陋巷生眼見魯山君餓死始有名餓名高氛氲懣
叟老壯氣感之為憂雲所憂唯一泣古今相紛紛平生
與君說逮此俱云云

初識漆鬢髮爭為新文章夜踏明月橋店飲

一作虛斂

吾曹

床醉啜二盃釀名郁一縣香寺中摘梅花園裏翦浮芳

高嗜綠蔬

一作雲

羹意輕肥膩羊吟哦無滓韻言語多古


腸白首忽然至盛年如偷將清濁俱莫追何須罵滄浪
前賢多哭酒哭酒免哭心後賢試銜之哀至無不深少

年哭酒時白髮亦已侵老年哭酒時聲韻隨生沉寄言
哭酒賓勿作登封音登封徒放聲天地竟難尋

同人少相哭異類多相號始知禽獸癡却至天然高非
子病無淚非父念莫勞如何裁親疎用禮如用刀孤喪
鮮匍匐閉哀抱鬱陶煩他手中葬誠信焉能襲嗟嗟無
子翁死棄如脫毛

聖人哭賢人骨化氣為星文章飛上天列宿增晶瑩前
古文可數今人文亦靈高名稱謫仙昇降曾莫停有文

死更香無文生亦腥為君鏗好辭永傳作謚寧



御定全唐詩卷三百八十一

欽定四庫全書

集部

御定全唐詩卷三百八十二至
四

詳校官庶吉士_臣胡鈺

主事銜_臣徐以坤覆勘

總校官知縣_臣繆琪

校對官學正_臣李巖

謄錄監生_臣李元位

欽定四庫全書

御定全唐詩卷三百八十二

張籍

張籍字文昌蘇州吳人或曰和州烏江人貞元十五年
登進士第授太常寺太祝久之遷秘書郎韓愈薦為國
子博士歷水部員外郎主客郎中當時有名士皆與游
而愈賢重之籍為詩長於樂府多警句仕終國子司業
詩集七卷今編為五卷

寄遠曲

美人來去春江暖
江頭無人湘水滿
浣紗石上水禽栖
江南路長春日短
蘭舟桂楫常渡江
無因重寄雙瓊璫
行路難

湘東行人長歎息
十年離家歸未得
弊裘羸馬苦難行

僮僕饑寒

一作盡飢

少筋力君不見
牀頭黃金盡
壯士無顏

色龍蟠泥中
未有雲不能生
彼升天翼

征婦怨

九月匈奴殺邊將漢軍全沒遼水上萬里無人收白骨
家家城下招魂葬婦人依倚子與夫同居貧賤心亦舒
夫死戰場子在腹妾身雖存如晝燭

白紵一作芻歌

皎皎白紵一作芻白且鮮將作春衣稱少年裁縫長短不
能定自持刀尺向姑前復恐蘭膏汙纖指常遣傍人收
墮珥衣裳著時寒食下還把玉鞭鞭白馬

野老歌一作山農詞

老農家貧在山住耕種山田三四畝苗踈稅多不得食
輸入官倉化為土歲暮鋤犁傍空室呼兒登山收橡實
西江賈客珠百斛船中有犬長食肉

寄衣曲

織素縫衣獨苦辛遠因回使寄征人官家亦自寄衣去
貴從妾手著君身高堂姑老無侍子不得自到邊城裏
殷勤為看初著時征夫身上宜不宜

送遠曲

戲馬臺南山簇簇山邊飲酒歌別曲行人醉後起登車
席上回尊勸僮僕青天漫漫覆長路遠遊無家安得住
願君到處自題名他日知君從此去

築城詞一作曲

築城處一作去

千人萬人齊把

一作抱

杵重重土堅試行一作

用一作雖軍吏執鞭催作遲來時一年深磧裏盡著短衣渴

無水力盡不得拋

一作休

杵聲杵聲未盡

一作定

人皆死家

家養男當門戶今日作君城下

一作上土

猛虎行

南山北山樹冥冥猛虎白日繞林

一作村

行向晚

一作曉

一

身當道食山

一作此

中麋鹿盡無聲年年養子在空

一作深

谷雌雄上山

一作下

不相逐谷中近窟有山村

一作林

長向

村家

一作林中

取黃犢五陵年少不敢射空來林下看行迹

別離曲

行人結束出門去幾時更踏門前路

一作馬蹄幾時踏門路

憶昔

君初納采時不言身屬遼陽戍早知今日當別離成君

家計良爲誰男兒生身自有役那得誤我少年時不如
逐君征戰死誰能獨老空閨裏

牧童詞

遠牧牛遶村四面禾黍稠陂中飢鳥啄牛背令我不得
戲攏頭入陂草多牛散行白犢時向蘆中鳴隔隄吹葉
應同伴還鼓長鞭三四聲牛牛食草莫相觸官家截爾
頭上角

沙堤行呈裴相公

一作國一本無
呈裴相公四字

長安大道沙為堤早風無塵雨

一作晚一作暖

無泥宮中玉漏

下三刻朱衣導騎丞相來路傍高樓息歌吹千車不行

行者避街官問吏相傳呼當前十一

一作

里惟空衢白麻

詔下移相印新堤未成舊堤盡

求仙行

漢皇欲作飛仙子年年採藥東海裏蓬萊無路海無邊
方士舟中相枕死招搖在天迴白日甘泉玉樹無仙實
九皇真人終不下空向離宮祠太乙丹田有氣凝素華

君能保之昇絳霞

古

一作寶

釵歎

古釵墮

一作墜

井無顏色百尺泥中今復得鳳凰宛轉有

古儀欲為首飾不稱時女伴傳看不知主

一作玉窗下

羅袖

拂拭生光輝蘭膏已盡股半折雕文刻樣無年月雖離井底八匣中不用還與墜時同

各東西

一本此下有言字

遊人別一東復一西出門相背兩不返惟信車輪與馬

蹄道路悠悠不知處山高海闊誰辛苦遠遊不定難寄
書日日空尋別時語浮雲上天雨墮地暫時會合終離
異我今與子非一身安得死生不相棄

節婦吟寄東平李司空師道

君知妾有夫贈妾雙明珠感君纏綿意繫在紅羅襦妾
家高樓連苑起良人執戟明光裏知君用心如日月事
夫誓擬同生死還君明珠雙淚垂何不相逢未嫁時

讌客詞

上客不用顧金羈主人有酒君莫違請君看取園中花

地上漸多枝上稀山頭樹影不見石溪水無風應

一作晚

更碧

一作映天碧

人人齊醉起舞時誰覺翻衣與倒幘明朝

花盡人已去此地獨來空繞樹

永嘉行

黃頭鮮卑入洛陽帶甲執戟升明堂晉家天子作降虜

公卿奔走如牛

一作驅

羊

一作盡去驅牛羊

紫陌旌幡暗相觸家

家雞犬驚上屋婦人出門隨亂兵夫死眼前不敢哭九

州諸侯自顧土無人領兵來護主北人避胡多在南
人至今能晉語

採蓮曲

秋江岸邊蓮子多採蓮女兒凭

並一作

船歌青房圓實齊

戢戢爭前競折漾微波試牽綠莖下尋藕斷處絲多刺
傷手白練束腰袖半卷不插玉釵妝梳淺船中未滿度
前洲借問阿誰家住遠歸時共待暮潮上自弄芙蓉還
蕩槳

傷歌行

元和中楊憑
貶臨賀尉

黃門詔下促收捕京兆尹繫御史府出門無復部曲隨
親戚相逢不容語辭成謫尉南海州受命不得須臾留
身著青衫騎惡馬中一作東門之外一作東無送者郵夫防
吏急諠驅往往驚墮馬蹄下長安里中荒大宅朱門已
除十二戟高堂舞榭鎖管絃美人遙望西南天

吳宮怨

吳宮四面秋江水江清露白芙蓉死吳王醉後欲更衣

座上美人嬌不起
宮中千門復萬戶
君恩反覆誰能數
君心與妾既不同
徒向君前作歌舞
茱萸滿宮紅實垂
秋風嫋嫋生繁枝
姑蘇臺上夕燕罷
佗人侍寢還獨歸
白日在天光在地
君今那得長相棄

北邙行

一作白邙山

洛陽北門北邙道
喪車磷磷入秋草
車前齊唱薤露歌
高墳新起白茝茝
朝朝暮暮人送葬
洛陽城中人更多
千金立碑高百尺
終作誰家柱下石
山一作瓏頭松柏半

無主地下白骨多於土寒食家家送紙錢烏鳶作窠銜
上樹人居朝市未解愁請君暫向北邙遊

關山月

秋月朗

一作明

朗關山上山中人馬蹄響關山秋來雨

雪多行人見月唱邊歌海邊茫茫天氣白胡兒夜度黃

龍磧軍中探騎暮出城伏兵暗處低旌戟溪水

一作沙磧連

天霜草平野駝尋水磧中鳴隴頭風急雁不下沙場苦

戰多流星可憐萬國

一作里

關山道年年戰國多秋草

隴頭行

隴頭路

一作已

斷人不行胡騎夜

一作已

入涼州城漢兵處

處格鬪死一朝盡沒隴西地驅我邊人胡中去散

一作忠

放牛羊食禾黍去年中國養子孫今著羶裘學胡語誰

能更

一作還

使李輕車收

一作重

取涼州入

一作屬

漢家

楚妃歎

一作怨

湘雲初起江沉沉君王遙在雲夢林江南雨多旌旗

一作作

戰暗臺下朝朝春水深章華殿前朝萬

一作下

國君心獨

自無終極楚兵滿地能

一作魚

逐禽誰用一身騁筋力西

江若翻雲夢中麋鹿死盡應還宮

春日行

春日融融池上暖竹牙出土蘭心短草堂人起酒半醒

家僮報我

一本有後字

園花

一本有已字

滿頭上皮冠未曾整直

入花間不尋徑樹樹殷勤盡遶行攀枝未徧春日暝不

用積金著青天不用服藥求神仙但願園裏花長好一

生飲酒花前老

秋夜長

秋天如水夜未央
天漢東西月色光
愁人不寐畏枕席

暗蟲唧唧

一作噴噴

遶我傍荒城
為村無更聲
起看北斗天

未明白露滿田風
娟娟千聲萬聲
鵲鳥鳴

白黿鳴

天欲雨有東風
南谿白黿鳴
窟中六月人家井無水
夜聞黿聲人盡起

洛陽行

洛陽宮闕當中州城上
戕戕十二樓翠華西去幾時返

梟一作鳴

一作巢

乳鳥藏蟄鷺御門空鎖五十年
稅彼農夫修

玉殿六街朝暮鼓
鼕鼕禁兵持戟守空宮
百官月月拜
章表驛使相續長安道上
陽宮樹黃復綠
野豺入苑食
麋鹿陌上老翁雙淚垂
共說武皇巡幸時

春江曲

春江無雲

一作冰

潮水平

一作水平滿

蒲心出水

一作江心

鳬雛

鳴長干夫壻愛遠行
自染春衣縫已成
妾身生長金陵

側去年隨夫住江北春來未到父母家舟小風多渡不
得欲辭舅姑先問人私向江頭祭水神

送遠曲

吳門向西流水長水長柳暗煙茫茫行人送客各惆悵
話離叙別傾清觴吟絲竹鳴笙簧酒酣性逸歌猖狂行
人告我挂帆去此去何時返故鄉殷勤振衣兩相囑世
事近來還淺促願君看取吳門山帶雪經春依舊綠行
人行處求知親送君去去徒酸辛

塞下曲

邊州八月修城堡，候騎先燒磧中草。
胡風吹沙度隴飛，隴頭林木無北枝。
將軍閱兵青塞下，鳴鼓逢逢一作促。
獵圍天寒山路石斷裂，白日不銷帳上雪。
烏孫國亂多降胡，詔使名王持漢節。
年年征戰不得閒，邊人殺盡唯空山。

董逃行

洛陽城頭火燿燿，亂兵燒我天子宫。
宮城南面有深山，

盡將老幼藏其間重巖為屋椽為食丁男夜行候消息
聞道官兵猶掠人舊里如今歸未得董逃行漢家幾時
重太平

少年行

少年從獵出

一作出獵

長楊禁中新拜羽林郎獨對輦前射

雙虎君王手賜黃金璫日

一作白

日鬪雞都市裏贏得寶

刀重刻字百里報仇夜出城平明還在娼樓醉遙聞虜

到平林下不待詔

一作勅

書行上馬斬得名王獻桂宮封

侯起第一日中不為

一作同

六郡良家子百戰始取邊城

功

白頭吟

請君膝上琴彈我白頭吟憶昔君前嬌笑語兩情宛轉
如縈素宮中為我起高樓更開花池種芳樹春天百草
秋始衰棄我不待白頭時羅襦玉珥色未暗今朝已道
不相宜揚州青銅作明鏡暗中持照不見影人心回互
自無窮眼前好惡那能定君恩已去若再返菖蒲花開

一作青
一作生
月長滿

將軍行

彈箏峽東有胡塵天子擇日拜將軍蓬萊殿前賜六纛
還領禁兵為部曲當朝受詔不辭家夜向咸陽原上宿
戰車彭彭旌旗動三十六軍齊上隴隴頭戰勝夜亦行
分兵處處收舊城胡兒殺盡陰磧暮擾擾唯有牛羊聲
邊人親戚曾戰沒今逐官軍收舊骨磧西行見萬里空

幕一作樂
府獨奏將軍功

賈客樂

金陵向西賈客多船中生長樂風波欲發移船近江口

船頭祭神各澆酒停杯共說遠行期入蜀經蠻誰一作遠

別離金多衆中為上客夜夜算緡眠獨遲秋江初月猩

猩語孤帆夜發瀟湘渚水工持櫂防暗灘直過山邊及

前侶年年逐利西復東姓名不在縣籍中農夫稅多長

辛苦棄業長一作寧為販寶翁

羈旅行

遠客出門行

一作世

路難停車斂策在門端荒城無人霜

雪

一作滿路野火燒

一作火燒野

橋不得度寒蟲

一作兔

入窟鳥

歸巢僮僕問我誰家去行尋田頭暝未息雙轂長轅礙

荊棘緣岡入澗投田家主人舂米為夜食晨雞喔喔茅

屋傍行人起掃車上霜舊山已別行已遠身計未成難

復返長安陌上相識稀遙望天山

一作門

白日晚誰能聽

我辛苦

一作苦辛

行為向君前歌一聲

車遙遙

征人遙遙出古城雙輪齊動駟馬鳴山川無處不一作無

歸路念君長作萬里行野田人稀秋草綠日暮放馬車

中宿驚麋游兔在我傍獨唱鄉歌對僮僕君家大宅鳳

城隅年年道上隨行車願為玉鑾繫華軾終日有聲在

君側門前舊轍

一作路

久已平

一作拋

無由復得君消息

妾薄命

薄命婦

一作薄命嫁得

良家子無事從軍去萬里漢家天子平

四夷護羌都尉喪尸歸念君此行為死別對君裁縫泉

下衣與君一日為夫婦千年萬歲亦相守君愛龍城征
戰功妾願青樓歌樂同人生各各有所欲詎得將心入
君腹

朱鷺

一本有
曲字

翩翩兮朱鷺來汎

一作
浴

春塘栖綠樹羽毛如翦色如染

遠飛欲下雙翅斂避人引子入深塹動處水紋開灩灩
誰知豪家網爾軀不如飲啄江海隅

遠別離

蓮葉團團杏花

一作
荇葉

拆長江鯉魚鬚
鬚赤念君少年棄

親戚千里萬里獨為客
誰言遠別心不易
天星墜地能為石
幾時斷得城南陌
勿使居人有行役

楚宮行

章華宮中九月時
桂花半落紅橋垂
江頭騎火照輦道
君王夜從雲夢歸
霓旌鳳蓋到雙闕
臺上重重歌吹發
千門萬戶開相當
燭籠左右列成行
下輦更衣入洞房
洞房侍女盡焚香
玉階羅幕微似一作
有霜齊言此夕樂

未央玉酒湛湛盈華觴
絲竹次第鳴中堂
巴姬起舞向君王
迴身垂手結明璫
願君千年萬年壽
朝出射麋夜飲酒

江南行

一作曲

江南人家多橘樹
吳姬舟上織白苧
土地卑濕饒蟲蛇
連木為牌入江住
江村亥日長為市
落帆度橋來浦裏
清莎覆城竹為屋
無井家家飲潮水
長干午日沽春酒
高高酒旗懸江口
娼樓兩岸臨水柵
夜唱竹枝留北客

江南風土歡樂多悠悠處處盡經過

烏夜啼引

秦烏啼啞啞夜啼長安吏人家吏人得罪囚在獄傾家
賣產將自贖少婦起聽夜啼烏知是官家有赦書下牀

心喜不重寐

一作寢

未明上堂賀舅姑少婦語啼烏汝啼

慎勿虛借汝庭樹作高巢年年不令傷爾

一作汝雛

促促詞

促促復促促家貧夫婦歡不足今年為人送租船去年

捕魚在一作向江邊家中姑老子復小自執吳綃輸稅錢

家家桑麻滿地黑念君一身空努力一作作教牛蹄團

團羊角直君身常一作長在應不得

宛轉行

華屋重翠幄綺席雕象牀遠漏微更疎薄衾中夜涼爐

氣一作氤暗裴徊寒燈背斜光妍姿結宵態寢臂一作壁幽

夢長宛轉復宛轉憶君一作憶憶更未央

短歌行

青天蕩蕩高且虛，上有白日無根株。
流光暫出還入地，

使我年少

一作少年

不須臾與君相逢，勿寂寞衰老不復如

今樂玉卮盛酒，置君前再拜頌

一作勸

君千萬年

山頭鹿

山頭鹿

一本有雙字

角芟芟尾促促，貧兒多租輸不足。夫死

未葬，兒在獄，早日熬熬蒸野岡，禾黍不收

一作熟

無獄糧

縣家唯憂少軍食，誰能令爾無死傷

湘江曲

湘水無潮秋水闊
湘中月落行人發
送人發送人歸白
蘋茫茫鷓鴣飛

楚妃怨

梧桐葉下黃金井
橫架轆轤牽素綆
美人初起天未明
手拂銀鉶秋水冷

離宮怨

高堂別館連湘渚
長向春光一作江開萬戶
荆王去去不復來
宮中美人自歌舞

成都曲

錦江近西煙水綠
新雨山頭荔枝熟
萬里橋邊多酒家
遊人愛向誰家宿

寒塘曲

寒塘沉沉柳葉疎
水暗人語驚棲鳬
舟中少年醉不起
持燭照水射游魚

春別曲

長江春水綠堪染
蓮葉出水大如錢
江頭橘樹君自種

那不长繫木蘭船

春堤曲

野塘鷓鴣飛樹頭綠蒲紫菱蓋碧流狂客誰家

一作誰家狂客

愛雲水日日獨來城下遊

烏棲曲

西山作宮花滿池宮鳥曉鳴茱萸枝吳姬採蓮自唱曲

一作吳姬自唱採蓮曲

君王昨夜舟中宿

雀飛多

雀飛多觸網羅網羅高樹顛汝飛蓬蒿下勿復投身網
羅間粟積倉禾在田巢之雛望其母來還

泗水行

泗水流急石纂纂鯉魚上下紅尾短春冰消散日華滿
行舟往來浮橋斷城邊魚市人早行水煙漠漠多棹聲

廢居

一作行宅

胡馬崩騰滿阡陌都人避亂唯空宅宅邊青桑垂宛宛
野蠶食葉還成繭黃雀銜草入燕窠嘖嘖啾啾白日晚

去時禾黍埋地中飢兵掘土翻重重
鷓鴣裊養子庭樹上曲牆空屋多旋風亂
定幾人還本土唯有官家重作主

寄菖蒲

一本有吟字

石上生菖蒲一寸十二節仙人勸我食
令我頭青面如雪逢人寄君一絳囊
書中不得傳此方君能來作棲霞侶
與君同入丹玄鄉

江村行

南塘水深蘆笋齊下田種稻不作畦
耕場磷磷在水底

短衣半染蘆中泥，田頭刈莎結為屋。歸來繫牛還獨宿。

水淹手足盡有

一作為

瘡。山童遶身

一作衣

飛颺颺。

一作撲撲

桑

林樾黑蠶再眠，婦姑採桑不向田。江南熱旱天氣毒，雨中移秧顏色鮮。一年耕種長苦辛，田熟家家將賽神。

樵客吟

上山採樵選枯樹，深處樵多出辛苦。秋來野火燒櫟林，枝柯已枯堪採取。斧聲坎坎在幽谷，採得齊梢青葛束。日西待伴同下山，竹擔彎彎向身曲。共知路傍多虎窟，

一作穴

未出深林不敢歇村西地暗狐兔行稚子叫時相

應聲採樵客莫採松與栢松栢生枝直且堅與君作屋

成家宅

湖南曲

瀟湘多別離風起芙蓉洲江上人已遠夕陽滿中流鴛
鴦東南飛飛上青山頭

春水曲

鳴鴨啁啾啁啾青蒲生春水狹蕩漾木蘭船中有雙少年

少年醉鴨不起

雲童行

雲童童白龍之尾垂江中今年天旱不作雨水足牆上有禾黍

新桃行

桃生葉婆婆枝葉四向多高未出牆顛蒿覓相凌摩植之三年餘今年初試花秋來已成實其陰良已嘉青蟬不來鳴安得迅羽過常惡一作恐牽絲蟲蒙幕成網羅顧

託戲兒童勿折吾柔柯明年結其實磊磊充汝家

憶遠曲

水上山沉沉征途復繞

一作渡遠

林途荒人行少馬跡猶可

尋雪中獨立樹海口失侶禽離憂如長線千里縈我心

長塘湖

長塘湖一斛水中半斛魚大魚如柳葉小魚如針鋒水

濁誰能辨真龍

廢瑟詞

古瑟在匣誰復識玉柱顛倒朱絲黑千年曲譜不分明
樂府無人傳正聲秋蟲暗穿塵作色腹中不辨工人名
幾時天下復古樂此瑟還奏雲門曲

御定全唐詩卷三百八十二

欽定四庫全書

御定全唐詩卷三百八十三

張籍

野居

貧賤易為適荒郊亦安居端坐無餘思彌樂古人書
秋田多良苗野水多遊魚我無耒與網安得充廩廚
寒天白日短簷下煖我軀四肢暫寬柔中腸鬱不舒
多病減志氣為客足憂虞況復苦時節

一作時節晚

覽景獨

一作物空 跣

踟

西州

羌胡據西州近甸無邊城山東收稅租養我防塞

一作塞下

兵胡騎來無時居人常震驚嗟我五陵間農者罷耘耕

邊頭多殺傷

一作傷殺

士卒難全形郡縣發丁役丈夫各征

行生男不得養懼身有姓名良馬不念秣烈士不苟營

所願除國難再逢天下平

雜

一作離怨

切切重切切秋風桂枝折人當少年嫁我當少年別念
君非征行年年長遠途妾身甘獨歿高堂有舅姑山川
豈遙遠行人自不返

惜花

春潭足芳樹水清不如素幽人愛華景一一空山暮月
出潭氣白游魚暗衝石夜深春思多酒醒山寂寂

三原李氏園宴集

暮春天早熱邑居苦囂煩言從君子樂樂彼李氏園園

中有草堂池引涇水泉開戶西北望遠見嵯峨山借問

主人翁北州佐戎軒僕夫守舊宅為客侍華一作施榻筵高

懷一作膏壤有餘興一作滋竹樹芳且鮮傾我所持觴盡日共

留連踈拙不偶俗常喜形體閒况來幽棲地能不重歎

一作言
笑

沈千運舊一作故居

汝北君子宅我來見顏墉亂離子孫盡地屬鄰里翁土

木被丘墟谿路不連一作相通舊井蔓草合牛羊墜其中

君辭天子書故意任體躬一生不自力家與逆旅同高
議切星辰餘聲激瘖聾方將旌舊閭百世可封崇嗟其
未積年已為荒林叢時豈無知音一作者不一作莫能崇一作
敷此風浩蕩竟無覩我將安所從

贈別孟郊

一本無別字

歷歷天上星沉沉水中萍幸當清秋夜流影及微形君
生衰俗間立身如禮經純誠一作淳意發新一作高文獨有金
石聲才名振京國歸省東南行停車楚城下顧我不念

程寶鏡曾墜水不磨豈

一作難

自明苦節居貧賤所知賴

友生歡會方別離戚戚憂慮并安得在一方終老無送

迎

卧疾

身病多思慮亦讀神農經空堂留燈燭

一作空房
夜留燈

四壁

青熒熒羈旅隨

一作逐

人歡貧賤還自輕今來問良醫乃

知病所生僮僕各憂愁

一作相憂

杵臼無停聲見我形顛顚

勸藥語丁寧春雨枕席冷窗前新禽鳴開門起無力遙

愛雞犬行服藥察耳目漸如醉者

一作覺如酒

醒顧非達性

命

一作方悟養生者

猶

一作不

為憂患生

一作并

別段生

與子骨肉親願言

一作其

長相隨況離父母傍從我學書

詩同在道路間講論亦未虧為文於我前日夕生光儀

行役多疾疚

一作疹

賴此相扶持貧賤事難拘

一作俱難

今日

有別離我去秦城中子留汴水湄離情兩飄斷不

一作豈

異風中絲幼年獨為客舉動難得

一作為

宜努力自修勵

常如見我時送我登山岡再拜

一作揖

問還期還期在新

年勿怨歡會遲

哭

一作傷

于鵠

青

一作西

山無逸人忽覺大國貧良玉沉幽泉名為天下

珍野性疎時俗再拜乃從軍氣高終不合去如鏡上塵

我初有章句相合者唯君今來弔嗣子對隴燒新

一作斯

文耕者廢其耜爨者絕其薪筭無新衣裳曷用光我身

奠酒

一作回

徒拜手

一作再拜

哀懷

一作昔意

安能陳徒保金石韻

千載人所聞

南歸

促促念道路四支不常寧行車未及家天外非盡程骨
肉待我歡鄉里望我榮豈知東與西顛顛竟無成人言
苦夜長窮者不念明懼離其寢寐百憂傷性靈世道多
險薄相勸畢中誠遠遊無知音不如商賈行達人有常
志愚夫勞所一作營舊山行去遠一作幸言歸樂此生

惜花

濛濛庭樹花墜地無顏色日暮東風起飄揚玉階側殘
藥在猶稀青條聳復直為君結芳實令君勿歎息

奉和舍人叔直省時思琴

藹藹紫微直秋意深無窮滴瀝仙閣漏肅穆禁池風竹
月泛涼影萱露澹幽叢地清物態勝宵閒琴思通時屬
雅音際迥凝虛抱中達人掌樞近常與隱默同

離婦

十載來夫家閨門無瑕疵薄命不生子古制有分離託

身言同穴今日事乖違念君終棄捐誰能強在茲堂上
謝姑嫜長跪請離辭姑嫜見我往將決復沉疑與我古
時釧留我嫁時衣高堂拊我身哭我於路陲昔日初為
婦當君貧賤時晝夜長紡績不得事蛾眉辛勤積黃金
濟君寒與飢洛陽買大宅邯鄲買侍兒夫壻乘龍馬出
入有光儀將為富家婦永為子孫資誰謂出君門一身
上車歸有子未必榮無子坐生悲為人莫作女作女實
難為

懷別

僕人驅行軒低昂出我門
離堂無留客席上唯琴樽
古道隨水曲悠悠繞荒村
遠程未奄息別念在朝昏
端居愁歲永獨此留清景
豈無經過人尋歎門巷靜
君如天上雨我如屋下井
無因同波流願作形與影

學仙

樓觀開朱門樹木連房廊
中有學仙人少年休穀糧
高冠如芙蓉霞月披衣裳
六時朝上清佩玉紛鏘鏘
自言

天老書秘覆雲錦囊百年度一人妄泄有災殃每占有
仙相然後傳此方先生坐中堂弟子跪四廂金刀截身
髮結誓焚靈香弟子得其訣清齋入空房守神保元氣
動息隨天罡爐燒丹砂盡晝夜候火光藥成既服食計
日乘鸞鳳虛空無靈應終歲安所望勤勞不能成疑慮
積心腸虛羸生疾疹壽命多天傷身歿懼人見夜埋山
谷傍求道慕靈異不如守尋常先王知其非戒之在國
章

夜懷

窮居積遠念轉轉迷所歸幽蕙零落色暗螢參差飛病
生秋風簾淚墮月明衣無愁坐寂寞重使奏清徽

城南

漾漾南澗水來作曲池流言尋參差島曉榜輕盈舟萬
繞不再止千尋盡孤幽藻澀訝人重萍分指魚游繁苗
稊下垂密箭翻迴轉曝鱗亂自墜陰藤斜相鉤卧蔭黑
米吐翻芰紫角稠橋低競俯樓亭近閒夷猶目為逐勝

朗手因掇芳柔漸喜游來極忽疑歸無由氣狀雖可覽
纖微諒難搜未聽主人賞徒愛清華秋

懷友

人生有行役誰能如草木別離感中懷乃為我桎梏百
年受命短光景良不足念我別離者顛懷日月促平地
施道路車馬往不復空知為良田秋望禾黍熟端居無

儔侶日夜禱耳目立身難自覺常恐一作憂與辱窮賤

無閒暇疾痛多嗜欲我思攜手人逍遙任心腹

寄別者

寒天正飛雪行人心切切同為萬里客中路忽離別別
君汾水東望君汾水西積雪無平岡空山無人蹊羸馬
時倚轅行行未遑食下車勸僮僕相顧莫歎息詎知佳
期隔離念終無極

獻從兄

悠悠旱天雲不遠如飛塵賢達失其所沉飄同衆人擢
秀登玉畿出為良使賓名高滿朝野幼賤誰不聞一朝

遇讒邪流竄八九春詔書近遷移組綬未及身冬井無
寒冰玉潤難為焚虛懷日迢遙榮辱常保純我念出游
時勿吟康樂文願言靈溪期聊欲相依因

寄韓愈

野館非我室新居未能安讀書避塵雜方覺此地閒過
郭多園墟桑果相接連獨游竟寂寞如寄空雲山夏景
常晝毒密林無鳴蟬臨溪一盥濯清去肢體煩出林望
曾城君子在其間戎府草章記阻我此遊盤憶昔西潭

時並持釣魚竿共忻得魴鯉烹鱸于我前幾朝還復來
歎息時獨言

贈姚怱

漏天日無光澤土松不長君今職下位志氣安得揚
白髮文思壯才為國賢良無人識高韻薦于天子傍
況我愚朴姿強趨利名場遠同干貴人身舉固難彰
昔逢汴水濱今會習池陽豈無再來期顧恐非此方
願為石中泉不為瓦上霜離別勿復道所貴不相忘

病中寄白學士拾遺

秋亭病客眠庭樹滿枝蟬涼風繞砌起斜影入牀前梨
晚漸紅墜菊寒無黃鮮倦遊寂寞日感歎蹉跎年塵歡
久消委華念獨迎延自寓城闕下識君弟事焉君為天
子識我方沉病纏無因會同語悄悄中懷煎

雨中寄元宗簡

秋堂羸病起盥漱風雨朝竹影冷疎澀榆葉暗飄蕭街
徑多墜果牆隅有蛻蛻延瞻游步阻獨坐閒思饒君居

應如此恨言相去遙

野寺後池寄友

佛寺連野水池幽夏景清繁木蔭芙蓉時有水禽鳴通
溪岸斲斷分渚流復縈伴僧鐘磬罷月來池上明友人
竟不至東北見高城獨遊自寂寞況此恨盈盈

董公詩

誰主東諸侯元臣隴西公旌節居汴水四方皆承風在
朝四十年天下誦其功相我明天子政成如太宗東方

有艱難公乃出臨戎單車入危城慈惠安羣兇公謂其
黨言汝材甚驍雄為我帳下士出入衛我躬汝息為我
子汝親為我翁衆皆相顧泣無不和且恭其父教子義
其妻勉夫忠不自以為資奉上但顥顥公衣無文采公
食少肥濃所憂在萬人人實我寧空輕刑寬其政薄賦
弛租庸四郡三十城不知歲饑凶天子臨朝喜元老留
在東今聞揚盛德就安我大邦百辟賀明主皇風恩賜
重朝廷有大事就決其所從海內既無虞君臣方肅雍

端居任僚屬宴語常從容翩翩者蒼鳥來巢於林叢甘
瓜生場圃一蒂實連中田有嘉穀隴異畝穗亦同賢人
佐聖人德與神明通感應我淳化生瑞我地中昔者此
州人但矜馬與弓今公施德禮自然威武崇公其共百
年受祿將無窮

祭退之

嗚呼吏部公其道誠巍昂生為大賢姿天使光我唐德
義動鬼神鑒用不可詳獨得雄直氣發為古文章學無

不該貫吏治得其方三次論諍退其志亦剛強再使平
山東不言所謀臧薦待皆寒羸但取其才良親朋有孤
稚婚姻有辦營如彼天有斗人可為信常如彼歲有春
物宜得華昌哀哉未申施中年遽殂喪朝野良共哀矧
於知舊腸籍在江湖間獨以道自將學詩為衆體久乃
溢笈囊略無相知人黯如霧中行北遊偶逢公盛語相
稱明名因天下聞傳者入歌聲公領試士司首薦到上
京一來遂登科不見苦貢場觀我性朴直乃言及平生

由茲類朋黨骨肉無以當坐令其子拜常呼幼時名追
招不隔日繼踐公之堂出則連轡馳寢則對榻牀搜窮

古今書事事相酌

一作斟

量有花必同尋有月必同望為

文先見草釀熟偕共觴新果及異鮭無不相待嘗到今

三十年曾不少異更公文為時師我亦有微聲而後之

學者或號為韓張我官麟臺中公為大司成念此委末

秩不能力自揚特狀為博士始獲升朝行未幾享其資

遂忝南宮即是事賴拯扶如屋有棟梁去夏公請告養

疾城南莊籍時官休罷兩月同游翔黃子陂岸曲地曠
氣色清新池四平漲中有蒲荇香北臺臨稻疇茂柳多
陰涼板亭坐垂釣煩苦稍已平共愛池上佳聯句舒遐
情偶有賈秀才來茲亦同并移船入南溪東西縱篙撐
劃波激船舷前後飛鷗鷺回入潭瀨下網截鯉與魴踏
沙掇水蔬樹下烝新杭日來相與嬉不知暑日長柴翁
攜童兒聚觀於岸傍月中登高灘星漢交垂芒釣車擲
長綫有獲齊歡驚夜闌乘馬歸衣上草露光公為遊谿

詩唱咏多慨慷自期此可老結社於其鄉籍受新官詔
拜恩當入城公因同歸還居處隔一坊中秋十六夜魄
圓天差晴公既相邀留坐語於堦楹乃出二侍女合彈
琵琶箏臨風聽繁絲忽遽聞再更顧我數來過是夜涼
難忘公疾浸日加孺人視藥湯來候不得宿出門每迴
遑自是將重危車馬候縱橫門僕皆逆遣獨我到寢房
公有曠達識生死為一網及當臨終晨意色亦不荒贈
我珍重言傲然委衾裳公比欲為書遺約有修章令我

署其末以為後事程家人號於前其書不果成子符奉
其言甚於親使令魯論未訖注手跡今微茫新亭成未
登閉在莊西廂書札與詩文重疊我笥盈頃息萬事盡
腸情多摧傷舊塋盟津北野定動鼓鉦柳車一出門終
天無迴箱籍貧無贈貲曷用申哀誠衣器陳下帳醪餌
奠堂上明靈庶鑒知髣髴斯來饗

御定全唐詩卷三百八十三

欽定四庫全書

御定全唐詩卷三百八十四

張籍

薊北旅思

一作送
遠人

日日望鄉國空謠白苧詞長因

一作
於

送人處憶得別家

時失意還獨語多愁祇自知客亭門外柳折盡向南枝

江南春

江南楊柳春日暖地無塵渡口過新雨夜來生白蘋晴

沙鳴乳燕芳樹醉遊人向晚青山下誰家祭水神

西樓

一作望月
登城

城西樓上月復是

一作值

雪晴時寒夜共來望思鄉獨下

遲幽光落水塹淨色在

一作徧

霜枝明日千里去此中還

別離

別鶴

雙鶴出雲谿分飛各自迷空巢在松頂

一作抄

折羽落紅

泥尋水終不飲逢林亦未棲別離應易老萬里雨

一作雨

淒淒

江陵孝女

孝女獨垂髮少年唯一身無家空托墓主祭不從人相
弔有行客起廬無一作因舊鄰江頭聞哭處寂寂楚花春

山中古祠

春草空祠一作山墓荒林唯鳥一作鳥雀飛記年一作名碑石在

經亂祭人稀野鼠緣朱一作珠帳陰塵蓋一作撲畫衣近

門潭水黑時見宿龍歸

漁陽將

塞深沙草白都護領燕兵放火燒奚帳分旗築漢城下
營看嶺勢尋雪覺人行更向桑乾北擒生問磧名

聽夜泉

細泉深處落夜久漸聞聲獨起出門聽欲尋當澗行還
疑隔林遠復畏有風生月下常來此一作立無人亦到明

送南遷客

去去遠遷客瘴中衰病身青山無限路白首不歸人海

國戰騎象蠻州市用銀一家分幾處誰見日南春

薊北春懷

渺渺水雲外別

一作望

來音

一作鄉

信稀因逢過江使却寄

在家衣問路更愁遠逢人空說歸今朝薊城北又見塞鴻飛

思遠人

一作寄遠客

野橋春水清橋上送君行去去人應老年年草自生出
門看遠道無信

一作路

向邊城楊柳別離處秋蟬今復鳴

贈同溪客

幽居得相近烟景每

一作亦

寥寥共伐臨谿樹因

一作同

為

過水橋自教青鶴舞分採紫芝苗更愛南峯住尋君路

恐

一作恐路遙

望行人

一作秋閨

秋風窗下起旅雁向

一作又

南飛日日出門望家家行客

歸無因見邊使空待寄寒衣獨倚

一作閉

青樓暮烟深鳥

雀稀

送宮人入道

舊寵昭陽裏尋

一作求

仙此最稀名初出宮籍身未稱霞

衣已別歌舞貴長隨鸞鶴飛中官看入洞空駕玉輪歸

送越客

見說孤帆去東南到會稽春雲剡溪口殘月鏡湖西水

鶴沙邊立

一作宿

山颿竹裏啼謝家曾住處烟洞入應迷

贈辟穀者

學得餐霞法逢人與

一作贈

小還身輕曾試鶴力弱未離

山無食犬猶在不耕牛自門朝朝空漱水

一作唯
盥漱

叩齒

草堂間

思江南舊遊

江臯三月時花發石楠枝歸客應無數春山自不知獨

行愁道遠廻信畏家移楊

一作
橋

柳東西渡茫茫欲問誰

夜到漁家

一作宿
漁家

漁家在江口潮水入柴扉行客欲投宿主人猶未歸竹

深村路遠

一作
暗

月出釣船稀遙見尋沙岸春風動草衣

送遠一作使

揚旌

一作旌旗

過隴頭隴水向西流塞路依山遠戍城逢笛

秋

一作雨留

寒沙陰漫漫疲

一作瘦

馬去悠悠為問征行將誰

封定遠侯

不食姑

一作贈山中女道士

幾年山裏住

一作唯獨住女仙

已作綠毛身護氣常稀語存思

一作齋心

自見神養龜同不食留藥任生塵要問西王母仙

中第幾人

古苑杏花

廢苑杏花在行人愁到

一作過一作對

時獨開新塹底半露舊

燒枝晚色連荒輟低陰覆折碑茫茫

一作濛濛

古陵下

一作路

春盡又誰知

送流人

獨向長城北黃雲暗塞天流名屬邊將舊業作公田擁
雪添軍壘收冰當井泉知君住應老須記別鄉年

宿臨江驛

一作宿江上一作宿溪中驛

楚驛南渡口夜深來客稀月明見潮上江靜覺鷗飛旅

宿

一作次

今已遠此行殊

一作猶一作獨

未歸離家久無信又聽

擣寒衣

送蠻客

借問炎州客天南幾日行江連惡谿路山遠夜郎城柳

葉瘴雲濕桂叢

一作林

蠻鳥聲

一作驚

知君却迴日記得海

花名

襄國別友

曉

一作晚

色荒城下相看秋草時獨遊無定計不欲道來

歸

一作期

別處去家遠愁中驅馬遲歸人渡烟水遙暎一作

落葉野棠枝

送遠客

南原相送處秋水草還生

一作秋草水邊生

同作憶鄉客如今

今

一作知

分路行因誰寄歸信漸遠問前程明日重陽節無

人上古城

山中

一作上國贈日南僧

獨向雙峯老松門閉兩崖一作涯翻經上蕉葉挂衲落藤

一作橙花甃石新開井穿林自種茶時逢海南客蠻語

問誰家

征西將

黃沙北風起半夜又翻營戰馬雪中宿探人冰上行深
山旗未展陰磧鼓無聲幾道征西將同收碎葉城

寄友人

憶在江南日同遊三月時採茶尋遠澗關鴨向春池送

客沙頭宿招僧竹裏碁如今各千里無計得相隨

送防秋將

白首征西將猶能射戟支元戎選部曲軍吏換旌旗逐
虜招降遠開邊舊盟移重收隴外地應似漢家時

律僧

苦行常不出清羸最少年持齋唯一食講一作尋

律一作豈一作

不曾眠避草每移徑瀝蟲還入泉從來天竺法到此幾

人傳

山中秋一作春夜

寂寂山景

一作春山

靜幽人歸去

一作卧

遲橫

一作移

琴當月下

壓

一作漉

酒及花時冷

一作新

露濕

一作冷

苑屋

一作席

暗泉衝

一作通

竹籬西峯採藥

一作芝

伴此夕恨無期

送南客

行路雨脩脩青山盡海頭天涯人去遠

一作老

嶺北水空

一作迴

流夜市連銅柱巢居屬象州來時舊相識誰向

一作問

日南一作邊遊

宿江店

野店臨西

一作江
一作寒

浦門前有橘花停燈待賈客賣酒與

漁家夜靜江水白路迴山月斜閒尋泊船處潮落見平

沙

嶺表

一作外

逢故人

過嶺萬里餘旅遊經此稀相逢去家遠共說幾時歸海

上見花發瘴中唯

一作間

鳥

一作無雁

飛炎州

一作途

望鄉

伴自識北人衣

出塞

一作塞
上曲

秋塞雪初下將軍遠出師
分營長記火放馬不收旗
月冷邊帳濕沙昏夜探遲
征人皆白首誰見滅胡時

寄紫閣隱者

紫閣氣沉沉先生住處深
有人時得見無路可相尋
夜

野

一作

鹿伴

一作
投

茅屋秋猿守栗林
唯應採靈藥更不別

營心

一作
相侵

夜宿黑龍溪

夜到碧溪裡無人秋月明逢幽更移宿取伴亦探行花
下紅泉色雲西乳鶴聲明朝記歸處石上自書名

古樹

古樹枝柯少枯來復幾春露根堪繫馬空腹定一作恐藏

人蠹節莓苔老燒痕霹靂新若當江浦上行客祭為神

送徐

一作陰

先生歸蜀

日暮遠歸處雲間仙觀鐘唯持青玉牒獨立碧雞峯陰

澗

一作洞

長收

一作新生

乳寒泉

一作潭

舊養龍幾時因賣藥得

向海邊逢

隱者

先生已得道市井亦容身
救病自行藥得錢多與人問

年長不定傳法又非真

一作常

見鄰家

一作翁

說時聞

一作

時使鬼神

送友人歸山

出山成北首重去結茅廬
移石修廢井掃龕盛舊書
開田留杏樹分洞與僧居
長在幽峯裏樵人見亦疎

雪溪西亭晚望

一作雪溪遠望

雪

一作雲

水碧悠悠西亭柳

一作古

岸頭夕陰

一作光

生遠岫

斜照逐迴流此地動歸思逢人方倦遊吳興耆舊盡空

見白蘋洲

哭山中友人

入雲遙便哭山友隔今生遶墓招魂魄鑄巖記姓名犬
因無主善鶴為見人鳴長說能尸解多應別路行

答僧拄杖

靈藤為拄杖白淨色如銀得自高僧手將扶病客身春
遊不騎馬夜會亦呈人持此歸山去深宜戴角巾

靈都觀李道士

仙觀雨來靜遠房瓊草春素書天上字花洞古時人泥
竈煮靈液掃壇朝玉真幾迴遊閭苑青節亦隨身

送韋

一作韓

評事歸華陰

三峯西面住

一作蓮花峯下住

出見世人稀老大

一作白髮

誰相識

恓惶

一作青山

又獨歸埽

一作拂

窗秋園落開篋夜

一作蟄

蛾飛

若向

一作訪

雲中伴還應着褐衣

送闍僧

幾夏京城住今朝獨遠歸修行四分律護淨七條衣谿
寺黃橙熟沙田紫芋肥九龍潭上路同去客應稀

送海南客歸舊島

一本無南字

海上去應遠蠻家雲島孤竹船來桂浦

一作府

山市賣魚

鬚入國自獻寶

一作錦

逢人多贈珠却歸春洞口斬象祭

天吳

登咸陽北寺樓

一作登感
化寺樓

高秋原上寺下馬一登臨渭水西來直

一作急

泰山南向

一作去深舊宮人不住

一作見

荒碣路難尋日暮涼風起蕭

條多遠心

送新羅使

萬里為朝使離家今幾年應知舊行路却上遠歸船夜

泊

一作宿

避蛟窟朝炊求島泉悠悠到鄉國還望海西天

宿廣德寺寄從舅

古寺客堂空開簾四面風移牀動棲鶴一作停燭聚飛

蟲閒卧逐涼處遠愁生靜中林西微月色思與甯家同

宿邯鄲館寄馬磁州

一作宿邯鄲寄磁州友人

孤客到空館夜寒愁卧遲雖沽主人酒不似在家時幾
宿得歡笑如今成別離明朝行更遠迴望隔山陂

舟行寄李湖州

客愁

一作行

無次第川路重辛勤藻

一作萍

客行

一作移

舟澀

灣多轉櫂頻薄遊空感惠

一作命

失計自憐貧賴有

一作誦

汀州句時時慰遠人

送閑師歸江南

徧住江南寺隨緣到上京多生修律業外學得詩一作書

名講殿徧追入齋家別請行青楓鄉路遠幾日盡歸程

遊襄陽山寺

秋色江邊路烟霞若有期寺貧無利施一作施利僧老足慈

悲薜荔侵禪窟蝦蟆占浴池閒遊殊未徧即是下山時

登城寄王秘書建

一本無秘書二字

聞君鶴嶺住西望日

一作自

依依遠客偏相憶登城獨不

歸十年為道侶幾處共柴扉今日烟霞外人間得見稀

送從弟戴玄往蘇州

楊柳閭門路

一作外

悠悠水岸斜乘舟向山寺着屐到漁

一作人

家夜月紅柑樹秋風白藕花江天詩景好迴日莫

令賒

送朱慶餘及第歸越

東南歸路遠幾日到鄉中有寺山皆遍無家水不通湖

聲連葉雨野氣

一作色

稻花

一作苗

風州縣知名久爭邀與

客同

過賈島野居

青門坊外住行坐見南山此地去人遠知君終日閒蛙聲籬落下草色戶庭間好是經過處唯愁暮獨還

酬韓庶子

西街幽僻處正與嬾相宜尋寺獨行遠借書常送遲家貧無易事身病足

一作是

閒時寂寞誰相問祇應君自知

贈一作答姚合少府

病來辭赤縣案上有丹經為客燒茶竈教兒掃竹亭詩

成添舊卷酒盡卧空鉗闕下今遺逸誰瞻一作占隱士一作

者星

送僧遊五臺兼謁李司空一作送顓法師往太原兼謁李司空

遠去見雙節因行上五臺化樓一作雲侵曉一作晚出雪一作

隱路向一作到春開邊寺連一作看峯去一作過胡兒聽法來

定知巡禮後解夏始應迴

送鄭秀才歸寧

桂檝彩為衣行當令節歸夕潮迷浦遠

一作盡

晝雨見人

稀野芟到時熟江鷗泊處飛離琴一奏罷山雨

一作水霽

餘暉

送李評事遊越

未習風塵事初為吳越遊露沾湖草晚

一作濕一作夕

日照海

山秋梅市門何在蘭亭水尚流西陵待潮處知汝不勝

愁

夏日閒居

無事門多閉，偏知夏日長。
早蟬聲寂寞，新竹氣清涼。
閒對臨書案，看移曬藥牀。
自憐歸未得，猶寄在班行。

閒居

東城南陌塵埃憶，與朱輪盡說無多事。
能閒有幾人，唯教推甲子。
不信守庚申，誰見衡門裏。
終朝自在貧。

寄昭應王中丞

借得街西宅，開門渭

一作御

水頭長貧，唯要健，漸老不禁。

愁獨凭藤書案空懸竹酒鉤

一作
窮

春風石甕寺作意共

一作會
擬待君遊

酬孫洛陽

一本此下
有革字

家貧相遠住齋館
入時稀獨坐看書卷
閒行着褐衣
早蟬庭筍老
新雨徑莎肥
各離爭名地
無人見是非

送人任濟陰

一作送人
往濟南

黃綬在腰下
知君非旅行
將書報舊里
留褐與諸生
贈別盡沽酒
惜歡多出城
春風濟水上
候吏聽車聲

晚春過崔駙馬東園

閒園多好風不意在街東
早早詩名遠長長酒性同
竹香新雨後鶯語落花中
莫遣經過少年光漸覺空

夏日閒居

多病逢迎少閒居又一年
樂看辰一作成

日合茶過卯時

煎草長晴來地蟲飛晚後天
此時幽夢遠不覺到山邊

晚秋閒居

獨坐高秋晚蕭條足遠思
家貧常畏客身老轉憐兒
萬

種盡閒事一生能幾時從來踈嬾性應祇有僧知

和陸司業習靜寄所知

幽室獨焚香清晨下未央山開登竹閣僧到出茶牀收
拾新琴譜封題舊藥方逍遙無別事不似在班行

酬韓祭酒雨中見寄

雨中愁不出陰黑晝連宵屋濕唯添漏泥深未放朝無
芻憐馬瘦少食信兒嬌聞道韓夫子還同此寂寥

和裴僕射移官言志

一作和裴僕射寄韓侍郎

身

一作久

在勤勞地常思放曠時功成

一作高

歸聖主位重

委羣司看壘臺邊石閒

一作行

吟篋裏詩蒼生正瞻望

一作作

仰難與故山期

酬白二十二舍人早春曲江見

一作相

招

曲江冰欲盡風日已恬和柳色看猶淺泉聲覺漸多
蒲生濕岸青鴨戲新波仙掖高情客相招共一過

和裴僕射朝回寄韓吏部

獨愛南關裏山晴竹杪風從容朝早退蕭灑客常通

曲新亭上移花遠寺中唯應有吏部詩酒每相同

春日李舍人宅見兩省諸公唱和因書情即事

又見帝城裏東風天氣和官閒人事少年長道情多紕

掖發章句青闈更詠歌誰知余寂寞一作幽終日斷經

過

和李僕射秋日病中作

由來病根

一作源

淺易見藥功成

一作程

曉日杵臼靜涼風

衣服輕猶疑少氣力漸覺有心情獨倚紅藤杖時時階

上行

早春

一作春日

病中

羸病及年初，心情不自如。
多申請假牒，祇送賀官書。
幽徑獨行步，白頭長嬾梳。
更憐晴日色，漸漸暖貧居。

送嚴大夫之桂州

旌旆過湘潭，幽奇得徧探。
莎城百越北，行路九疑南。
有地多生桂，無時不養蠶。
聽歌疑一作難辨曲風，俗自相諳。

詠懷

老去多悲事非唯見二毛眼昏書字大耳重覺聲高望

月偏增思尋山易

一作覺

發勞都無作官意賴得在閒曹

使至藍谿驛寄太常王丞

獨上七盤去峯巒轉轉稠雲中迷象鼻雨裏下

一作上箏

頭水沒荒橋路鴉啼古驛樓君今在城闕肯見此中愁

留別江陵王少府

一作尹

迢迢山上路病客獨行遲況此分手處

一作禱日

當君失意

時寒林遠路驛

一作露遠邑

晚燒過荒陂別後空迴首相逢

未有期

贈海東僧

別家行萬里自說過扶餘學得中州語能為外國書與
醫收海藻持呪取龍魚更問同來伴天台幾處居

寄漢陽故人

知君漢陽住烟樹遠重重歸使雨中發寄書燈下封同
時買江塢今日別雲松欲問新移處青蘿最北峰

送安西將

萬里海西路茫茫邊草秋計程沙塞口望伴驛峰頭一作

樓

雪暗非時宿沙深獨去愁塞一作憶鄉人易老莫住近

蕃州

題李山人幽居

襄陽南郭外茅屋一書生無事焚香坐有時尋竹行畫
苔藤杖細踏石笋鞋輕應笑風塵客區區逐世名

早春閒遊

年長身多病獨宜作冷官從來閒坐慣漸覺出門難樹

影新猶薄池光晚尚寒遙聞有花發騎馬暫行看

贈太常王建藤杖笋鞋

蠻藤剪為杖楚筍結成鞋稱與詩人用堪隨禮寺齋
尋花入幽徑步日下寒階以此持相贈君應懷素懷

和周贇善聞子規

秦城啼楚鳥遠思更紛紛況是街西夜偏當雨裏聞應
投最高樹似隔數重雲此處誰能聽遙知獨有君

送李騎曹靈州歸覲

翩翩出上京幾日到邊城漸覺風沙起還將弓箭行席
箕侵路暗野馬見人驚軍府知歸慶應教數騎迎

寒食夜寄姚侍郎

一作御

貧官多寂寞不異野人居作酒和山一作仙藥教兒寫道
書五湖歸去遠百事病來疎况一作沉憶同懷者寒庭月

上初

題清徹上人院

古寺臨壇久松間別起堂看添浴佛水自合讀經香愛

養無家客多傳得效

一作力

方過齋長不出坐卧一繩牀

寄靈一上人初歸雲門寺

寒山白雲裏法侶自招攜竹徑通城下松門隔水西方
同沃州去不作武陵迷髣髴遙看處秋風是會稽

和裴司空即事通簡舊僚

肅肅上台坐四方皆仰風當朝奉明政早日立元功獨
對赤墀下密宣黃閣中猶聞動高韻思與舊僚同

使回留別襄陽李司空

江亭寒日晚弦管有離聲從此一筵別獨為千里行遲
遲戀恩德役役限公程迴首吟新句霜雲滿楚城

和戶部令狐尚書喜裴司空見招看雪

南園新覆雪上宰曉來看誰共登春榭唯聞有地官色
連山遠靜氣與竹偏寒高韻更相應寧同謔吹歡

和裴司空以詩請刑部白侍郎雙鶴

皎皎仙家

一作山

鶴遠留閒宅中徘徊幽樹月嘹唳小亭

風丞相西園好池塘野水通欲將來放此

一作從君求置此賞

望與賓同

同綿州胡郎中清明日對雨西亭宴

郡內開新火高齋雨氣清
惜花邀客賞勸酒促歌聲
共醉移芳席留歡閉暮城
政閒方宴語琴筑任遙情

莊陵挽歌詞三首

白日已昭昭干戈亦漸消
迎師親出道從諫早臨朝
倭倖威權薄忠良寵錫饒
丘陵今一變無復白雲謠

觀風欲巡洛習戰亦

一作且

開池始改三年政旋聞七月

期陵分内外使官具吉凶儀渭北新園路蕭笳遠更悲
曉日龍車動秋風閭闔開行帷六宮出執紼萬方來慘
慘郊原暮遲遲挽唱哀空山烟雨夕新陌遶陵臺

和左司元郎中秋居十首

選得閒坊住秋來草樹肥風前卷筒簾雨裏脫荷

一作生

衣野客留方去山童取

一作收

藥歸非因入朝省過此出

門稀

有地唯栽竹無池亦養鵝學書求墨跡釀酒愛朝和古

鏡銘文淺神方謎語多居貧閒自樂豪客莫相過

閒來松菊地未省有埃塵直去多將藥朝回不訪人見
僧收酒器迎客換紗巾更恐登清要難成自在身

自知清靜好不要問時夢就石安琴枕穿松壓酒槽山
晴一作情因月甚詩語入秋高身外無餘事唯應筆硯勞

閒堂新埽灑稱是早秋天書客多呈帖琴僧與合弦莎
臺乘晚上竹院就涼眠終日無忙事還應似得仙

醉倚斑藤杖閒眠癭木牀業頭行氣訣爐裏降真香尚

儉經營少居閒意思長秋茶莫夜飲新自作松漿

每憶舊山居新教上墨圖晚花迴地種好酒問人沽夜

後開朝簿申前發省符為郎凡幾歲已見白髭鬚

菊地纔通履

一作履

茶房不壘階憑醫看蜀藥寄信覓吳

鞋盡得仙家法多隨道客齋本無榮辱意不是學安排

林下無拘束閒行

一作吟

放性靈好時開藥竈高處置琴

亭更撰居山記唯尋相鶴經初當授衣假無吏挽門鈴

客散高齋晚東園景象偏晴明猶有蝶涼冷漸無蟬藤

折霜來子蝸行雨後涎新詩纔上卷已得滿城傳

經王處士原居

舊宅誰相近唯僧近竹關庭間

一作寒

雲滿井窗曉雪通

山來客半留宿借書多寄還明時未中歲莫便一生閒

不食仙姑山房

寂寂花枝裏草堂唯素琴因山曾改眼

一作姓

見客不言

心月出溪路靜鶴鳴雲樹深丹砂如可學便欲住幽林

江頭

晚步隨江遠來帆過眼頻試尋新住客少見故鄉人回首憐歸翼長吟任此身應同南浦雁更見嶺頭春

寄孫冲主簿

低折滄洲簿無書整兩春馬從同事借妻怕罷官貧道僻收門藥詩高笑古人仍聞長吏奏表乞鎖廳頻

贈任懶

未肯求科第深坊且隱居勝遊尋野客高卧看兵書點藥醫閑馬分泉灌遠蔬漢庭無得意誰擬薦相如

舊宮人

詞舞

一作得寵

梁一作秦

州女歸時白髮生
全家沒蕃地無

一作

何處問鄉程
宮錦不傳樣
御香空記名
一身難自說
愁

逐路人行

春日留別

一作惜別

遊人欲別離
半醉

一作醉復

對花枝
看著

一作却

春又晚
莫輕

少年時
臨行記
分處
迴首是
相思
各向天涯去
重來未

可

一作有

期

沒蕃故人

前年伐月支城上

一作下

沒全師蕃漢斷消息死生長別

離無人收廢帳歸馬識殘旗欲祭疑君在天涯哭此時

贈箕山僧

久住空林下長齋耳目清蒲團借客坐石磴覓人行似
鶴難知性因山強號名時聞衣袖裏暗掐念珠聲

冬夕

寒蛩獨

一作猶

罷織湘雁猶

一作獨

能鳴月色當窗入鄉心

半夜生不成高枕夢復作遶堦行迴首嗟淹一作泊城頭北斗橫

奉和陝州十四翁中丞寄雷州二十二翁司戶

之作

聯飛獨不前迴落海南天賈傅竟行矣邵公惟泣然瘴
開山更遠路極水無邊沈劣本多感況聞原上篇

老將

鬢衰頭似雪行步急如風不怕騎生馬猶能挽硬弓兵

書封錦字手詔滿香筒今日身憔悴猶誇定遠功

送友生遊峽中

風靜楊柳垂看花又別離幾年同在此今日各驅馳峽裏聞猿叫山頭見月時殷勤一盃酒珍重歲寒姿

送安法師

出郭見落日別君臨古津遠程無野寺宿處問何人原色不分路錫聲遙隔塵山陰到家節猶及蕙蘭春

水

蕩漾空沙際虛明入遠天秋光照不極鳥色去無邊勢
引長雲闊波輕片雪連汀洲杳難測萬古覆蒼烟

岳州晚景

晚景寒鴉集秋聲旅雁歸水光浮日去霞彩映江飛洲
白蘆花吐園红柿葉稀長沙卑濕地九月未成衣

寒食後

一作王建詩

田舍清明日家家出火遲白衫眠古巷紅索搭高枝紗
帶生難結銅釵重易垂斬新衣著盡還似去年時

寒食書事二首

今朝一百五出戶雨初晴舞愛雙飛蝶歌聞數里鶯江
深青草岸花滿白雲城為政多孱懦應無酷吏名
出城烟火少況復是今朝閒坐將誰語臨觴只自謠
前春薜徧衣上落花飄妓樂州人戲使君心寂寥

和李僕射雨中寄盧嚴二給事

郊原飛雨至城闕濕雲埋迸點時穿牖浮漚欲上堦偏
滋解籜竹併灑落花槐晚潤生琴匣新涼滿藥齋從容

朝務退

一作後

放曠掖曹珩

一作儕

盡日無來客閒吟感此

懷

酬李僕射晚春見寄

戟戶洞

一作動

初晨鶯聲雨後頻虛庭清氣在衆藥濕光

新魚動芳池面苔侵老竹身教鋪嘗酒處自問探花人

獨此長多病幽

一作閑

居欲過春今朝聽高韻忽覺離埃

塵

和盧常侍寄華山鄭隱者

獨住一作憶三峯下年深學煉丹一間松葉屋數片石

花冠酒待山中飲琴將洞口一作裏彈開門移遠竹剪草

出幽蘭荒壁通泉架晴崖曬藥壇寄知騎省客長向白

雲間

和令狐尚書平泉東一作西莊近居一作屬李僕射

有一作因寄十韻

平池有清泉伊南古寺邊漲池閒遠屋出野一作流墅徧澆

田舊隱離多日新鄰得幾年探幽皆一絕選勝又雙全

門靜山光別園深竹影連斜分採藥徑直過釣魚船雞

犬還應識雲霞頃覺鮮追思

一作尋

應不遠賞愛諒

一作吟賞

定難偏此處堪長往遊人早共傳各當恩寄重歸卧恐

無緣

送鄭尚書出鎮南海

各用來字

遠鎮承新命王程不假催班行爭路送恩賜併一作時

來牙旆從城展兵符到府開蠻聲喧夜市海色浸潮一作

潤臺一作南臺畫角天邊月寒關嶺上梅共知公望重多是

隔年迴

徐州試反古無聲

夏木多好鳥偏知反古名林幽仍共宿時過即一作已無

聲竹外天空曉谿頭雨自晴居人宜寂寞深院益淒清
入霧暗相失當風閒易驚來年上林苑知爾最先鳴

省試行不由徑

田裏有微徑賢人不復行孰知求一作趨捷步又一作惟恐

異端成從易衆所欲安邪一作難患亦生一作平誰能達天

道

一作遠
大路

共此競前程子羽有遺跡孔門傳舊聲今逢

大君子士節自光

一作應明

新城甲仗樓

謝氏

一作守

起新樓西臨城角

一作上

頭圖功百尺

一作仗

麗

藏器五兵修結締

一作構

棖甕固虛明戶檻幽魚龍卷旗

幟霜雪積戈矛暑雨燬蒸隔涼風宴位留地高形出沒

一作遠出

山靜氣清優睥睨斜光徹闌干宿靄浮芊芊秔稻

色脉脉苑谿流郡化黃丞相詩成沈隱侯居茲良得景

殊勝峴山遊

贈殷山人

鬱鬱山中客知名四十年
恓惶身獨隱寂寞性應便
世業公侯籍生涯黍稷田
藤懸讀書帳竹繫釣魚船
已種千頭橘新開數脉泉
閒遊攜酒遠幽語向僧偏
入洞題松過看花選石眠
避喧長汨沒逢勝即留連
自古多高跡如君少比肩
耕耘此一作既辛苦章句已流傳
昔日交遊盛當時省閣賢
同袍還共弊連轡每推先
講序居重

席羣儒願執鞭滿堂虛左待衆目望喬遷才異時難用

情高道自全畏人顏

一作頻

慘澹踈物勢速適賢

一作達

者

聞知命吾生復禮玄深藏報恩劔久緝養生篇憔悴衆

夫笑經過郡守憐夕陽悲病鶴霜氣動飢鷗處士誰能

薦窮途世所捐伯鸞甘寄食元淑苦無錢策蹇秋塵裏

吟詩黃葉前故裘餘白領廢瑟斷朱絃志氣終猶在逍

遙任自然家貧念婚嫁身老戀雲烟放逸棲巖鹿清虛

飲露蟬鄭逃秦谷口嚴愛越溪邊霄漢子猶阻榮枯子

不牽山城一相遇感激意難宣

夏日可畏

一作立
為詩

赫赫溫風扇炎炎夏日徂火威馳迴野畏景鑠遙途勢
矯翔陽翰功分造化鑪禁城千品燭黃道一輪孤落照
頻空輦餘暉卷夕梧如何倦遊子中路獨踟躕

罔象得玄珠

赤水今何處遺珠已渺然離婁徒肆目罔象乃通玄皎
潔因成性圓明不在泉暗中看

一作驅

夜色塵外照晴

一作

情田無脛真難掬懷疑實一作寶易遷今朝搜擇得應免

一作媚晴川

和李僕射西園

遇午歸門處西庭

一作亭

敞四簷高眠著琴枕散帖檢書

簽印在休通客山晴好捲簾竹涼蠅少到藤暗蝶爭潛

曉

一作晚


鵲頻驚喜疎蟬不許拈石苔生紫點欄藥吐紅

尖虛坐詩情遠幽探道侶兼所營尚

一作當

勝地雖儉復

誰嫌



御定全唐詩卷三百八十四